



# PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Na: Presidente di Parlamento di Kòrsou  
Sra. Ch. America-Francisca  
Wilhelminaplein 4  
Presente

Kòrsou, 24 òktober 2024

Tópiko: Pregunta na Minister di Tráfiko, Transporte i Planifikashon Urbano: 'Klaridat i atenshon pa ku parkeo den sentro di siudat, spesífikamente Otrobanda!!!'

Honorabel sra. America-Francisca,

Señora Presidente, pa medio di e karta aki suskrito ke hasi uso di artíkulo 96 di Reglamentu di Òrdú i ta pidi enkaresidamente pa bo persona por dirigí e karta aki ku e tópiko; 'Klaridat i atenshon pa ku parkeo den sentro di siudat, spesífikamente Otrobanda!!!' na Minister di Tráfiko, Transporte i Planifikashon Urbano Sr. C.Cooper.

Atentamente,

Ana Maria Paulette  
Miembro di Parlamento, Partido Alternativa Real





# PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Ministerio di Trafiko, Transporte i Planifikashon Urbano  
Minister C. Cooper  
Serí Arrarat Parsela C  
Presente

Kòrsou, 24 òktober2024

Tópico: Klaridat i atenshon pa ku parkeo den sentro di siudat, spesíficamente Otrobanda!!!

Apresiabel minister sr. Cooper,

Resientemente a inisiá e trabounan di kobraansa pa parkeo den sentro di Siudat; esta Punda i Otrobanda. Esaki abase di un akuerdo ku a keda firmá dor di gobièrnu di Kòrsou.

For di 15 di òktober último, parkeo den un área spesífiko di sentro di siudat por solamente kontra pago. Organisashonnan di bario di Otrobanda a nota un desaroyo ku ta di preokupashon pa nan bario. Esaki tá, ku den un intento pa evitá e pago pa parkeo, outomobilistanan ta parker den e hanchinan smal di Otrobanda. Awor nos tur sa ku e área di Otrobanda ademas di ta un zona ekónomico, e ta prinsipalmente un zona di bibienda. Barionan manera Rif, Kortijn/kura di Shon Fil a bin ta eksperensiá mas tráfiko den nan área, ku ta kondusí na un parkeo deskontrolá dilanti kasnan di habitantenan, riba stupi i aseranan. Ademas a tuma nota, den e barionan ku e velosidad di e outomobilistanan ta sumamente haltu. Nos kier mantené nos sentro di siudat habitá i p'esei nos mester pèrkurá ku desaroyo ekónomico, ta bai di forma paralèl ku desaroyo di nos barionan.

Den kuadro di esaki suskrito tin algun pregunta pa minister Cooper:

1. Minister ta konsiente ku tin outomobilista, ku pa evitá paga pa parkeo den Otrobanda ta buska pa para den e áreanan habitá di Otrobanda, kreando un situashon kaótiko den e barionan?
2. Minister tin un plan, den kuadro di planifikashon urbano, kon ta bai atendé ku e subida di tráfiko den e áreanan habitá, manera Rif i Kortijn? Por ehèmpel pone bòrchi di parkeo pa spesíficamente habitante i bòrchi pa baha velosidad?
3. Minister tin un plan di komunikashon, di focus riba habitantenan di e área di Otrobanda, Kaminda ta duna un splikashon ekstenso kiko ta e kambionan ku e desaroyonan aki ta trese kuné?

Suskrito ta urgi gobièrnu pa tuma akshon pa ku e desaroyonan aki, pa asina evitá ku konflikto i/òf aksidentenan lo por surgi den e áreanan aki.

Danki di antemano,

Ana Maria Pauletta  
Miembro di Parlamento, Partido Alternativa Real

